





一聲鶯序

觀夫柳眉初嫵。鶯舌先妖。羞澁新
歌。雖未下杜鵑之血。殷勤芳信已
早通鸚鵡之言。將欲嫁青女于春
韶。寧不醒紅妝之曉夢。亾鞋挂壁。
且嫌宗氏迂懷。羅襪生塵。詎惜潘

妃巧步。是使遊情忽動。固曰翠帶。
風牽。要知韻語相撩。實自金衣晴。
喚嚶鳴求友。隔牆驚釵釧之聲。宛。
轉啼花入苑。響山川之屨。故謂銷。
魂之弱。弄特爲惹事之狂。媒自非。
銅雀臺高。致怨芙蓉深鎖。玉關人。

老○愁○看○楊○柳○凝○妝○卽○仙○姬○爭○欲○出○
夫○璇○房○阿○嬌○不○耐○貯○于○金○屋○矣○噫○
朱○顏○易○逝○花○銷○五○夜○之○風○錦○畫○忍○
徂○鳩○喚○千○山○之○雨○香○魂○不○返○卿○當○
奈○何○芳○跡○旣○收○爾○無○多○事○作○此○聲○
者○其○知○道○乎○誠○能○聽○之○可○與○言○也○

仙臞何偉然題



廣快書卷三

西湖何偉然仙臞纂

延陵吳從先寧野定

一聲鶯

張來初元本

態隨奔於外物。影難歇於中懷。則已思軸逶迤。腸繚駘蕩者矣。春閨晝杳。春色猶遮。惟有歛眉。凝意而已。逮夫流鶯送語。如傳縟景於璇題。欲喚明韶於畫牖。迢迢縈恨。固不禁遊情之悠揚。

也○殷○其○繁○矣○既○見○往○觀○之○詠○古○者○猶○託○之○漢○臯○
洛○浦○鄂○渚○湘○中○取○彼○紛○麗○飾○以○迷○渺○耳○廼○其○憐○
芳○晨○惜○白○日○雜○遒○乎○小○翠○微○青○流○蕩○乎○淺○蕪○遠○
淶○實○若○今○昔○一○情○焉○或○者○貴○盛○悶○嚴○於○珠○箔○則○
鎖○澁○葳○蕤○仳○離○扃○恨○於○蘭○房○則○階○沉○莓○蘚○雖○復○
林○間○百○轉○祇○益○踟○躕○倘○其○不○然○羅○敷○自○貞○衛○尉○
鮮○忌○但○違○多○露○何○阻○如○雲○而○隨○蜂○趁○蝶○之○儔○集○
爲○靚○岫○藻○川○之○盛○矣○顧○晴○空○似○鏡○人○歸○影○徂○而○

窺照成想。頓覺忽忽難忘。遂思抽毫圖志春遊之事。緣其情發於聞鶯。故援所起以爲感也。然則鶯亦豈無情之物哉。昔儒駁鳥啼花笑之語。謂花鳥不得云有情。夫類花於宋楮。猶可謂然。等鳥於墨鳶。則何言爾。此余所以念移情有自。而使春風遊冶。都在鶯簧一弄之中。更拾遺輝於綦跡。爲之綴論數條。使讀者如覩彼姍姍其欲來矣。

一容

夫有蒨潔之貌。必有婉變之容。折腰顰齒。至今
不足令人追思。不知當時何以作此僻好也。今
有遊者。花界迴翔。翩然若逝。佇馬如遲。光影流
照矣。是故步曰邯鄲。而史稱邯鄲女子。跼蹢彈
弦。步以習工。斯足徵也。青絲委耳。如濕雲籠蟾。
如綠波蘸荷。爲盤雅。爲靈蛇。爲墮馬。祇取標新。
無貴齊俗。睂痕連蜷。若初月。腮暈柔靡。生煖潮。

以此洞映春明。又不似十眉雙靨。空闌紅鉛。難堪消落者也。若然者。清妙則蓮地行來。豐艷則蘭臺任吹。婷婷憐影。已不自持。亦豈勝望見者之緘情無已乎。

二飾

唐人言春雨有五色。則豈獨春花自染。蓋遊女致飾。正將使春衣闌妍。如雨渲花也。然而紛呈非尚。合度爲宜。故坐繁紅之下。服微澹以颺風。

立新綠之中。服深艷以照旭。而又百花濃淺各異。當其專賞。則所衣叅錯相明。不得與亞枝綴萼同爲一色。加以比霧方空之妙織。分花對縫之巧裁。奚假五銖六銖於天上哉。宋人牡丹之宴。衣花盛麗。此徒亭榭貴習。無復縹緲蕩搖之致。不堪爲遊侈也。至若清有蟲簪。不憐金額。纖惟鸞鳥。競詠玉鈎。製素爲吹綸。鏤碧爲條腕。凡此皆以韻勝。不以絃奇。春風有情。固將借絲柳。

以牽人倩。叢芳以迷若矣。

三侶

雲階月地。恍忽幽踪耳。亦復結嬌嬈之伴。卽桃
魂李魄。致懊封姨。非翠嚔數輩。畫旛豈爲孤芳。
設耶。然則靜女對影爲雙。而遊女羣妝作隊。往
往然矣。是以招諸姑姊娣之娟然。徵比舍親姻
之婉爾。正如觀古美人圖畫。未嘗同貌。各有其
妍。春容漾影。伶娉颺颺。聚則錦欲成堆。散則繡

一 戶 黨
卷三
四
堪染谷。擬戴勝集宴於上元。不可謂人間遂遜蓬島也。

四從

奇羽至而衆羽萃其儀。巨鱗泳而細鱗爲之騰。則夫蘭房乍出。掖柔導婉者。非綠衣小侍哉。迺風範之餘。丰容露焉。或垂髻而情動於目波。或稚齒而慧呈於眉語。香粉固應楚楚。珮環亦自珊珊。明珠十斛買娉婷。此補闕之所以淒然欲

絕也。嗟哉。命則不猶。色誠足賞。譬若鳳仙降爲
花婢。而其含烟媚露之姿。亦自撩人已耳。

五載

流蘇帳暖。油壁車輕。誰謂花遊之樂。不足以破
芳夢於春曉也。然江南陌路。盤紆秀折。固不似
燕趙佳人。揚揚錦鞢。况可以札札香輪乎。則夫
製湘筠之肩輿。裁輕縑以爲衣。趁裙腰之芳路。
映簾額之朝暉。穿逕度岑。旣輕且捷。或亦藤織

瑣文檀雕卅字。芻開霧縠。小釘銅鋪。是特輿飭。
太靡。翻於遊况不逸。靈惠者。以茲爲無足尚焉。
爾若夫花送玉錢。以來撲柳。拖金縷以相縈。而。
筍輿駐處。則未免一踏烟莎。但見翠欲隨人。悠。
然此際矣。又有碧浦水生。而似鑑。銀瀾風澹。以。
如羅。家住橫塘。寧免乘波之懼哉。問蘭舟若何。
則列以翠窓。周以紅檻。雖云安幅。未便維綃。危。
嶼蒼潏。夷猶而遲進。淺蒲綠蓀。容與而深尋。春。

洲已染衣香水府欲淪釵影此與鵓鵲鳬鴈忘
機共戲於溶溶灩灩之中者也。大抵尋春者足
不越乎園囿池臺。雖花酣蘋動。其意不遠。而與
舟之事興焉。要以紅顏易衰。勝境難值。每於層
波疊巘。通巫雲。蜀雨之思。寒浪幽潮。動鮫室。星
槎之想。安能繚繞於迴廊曲楯間。而嘆息韶光
之畹婉也。

六具

雖烟花陣而粉黛叢乎。亦何得移閨閣之具。於山水之間。而使登臨之蘊藉。竟自膏脣澤髻者。頓失也。故茗椀香鑪之樸。要無忝乎烟霞。而金卮玉笋之珍。亦貼慙於薜荔。風流士女。固應知所置取。他若楸枰海石。疑逢誨奕之姑。筠管濤牋。與值詮經之姥。凡茲備物。均出靈心。惟夫芙蓉步障。香葱卷席。雖有不携。以爲不若蟠花可幕。映清影於錦屏。鋪蘚如茵。立玉人於羅薦耳。

所謂登臨蘊藉。視茲勝具者矣。雖然。膏脣澤髻。終不能不留意於香奩。則挈膽瓶以貯玫瑰之華。藏脂盞以浥薔薇之露。轉足成致。未可少之。

七宴

春風寒。酡顏發。則醺醪早入絳脣也。香毬趁拍。花璫拋巡。未免頽然。閨秀亦或諱之。而酌彼金壘。所自來矣。玉魚可銜。何必不勝杯酌乎。至於蘭肴清剪。却繁腴而貴簡要。雖不盡於棗修榛。

脯○豈○咸○徵○乎○鸚○醢○魚○寒○。是○以○錯○珍○旨○畜○。異○產○異○
尚○。不○能○槩○齊○。但○使○食○憲○中○風○味○。不○爲○乳○酪○氣○所○
耗○。而○江○鄉○所○宜○。則○蔬○盤○之○玉○版○。水○族○之○銀○刀○。在○
鶯○天○。競○致○如○仙○饌○。此○亦○足○爲○美○人○下○箸○處○矣○。有○
以○斗○酒○雙○柑○進○者○。則○必○含○顰○相○謂○。以○爲○流○傳○腐○
語○。何○以○刻○畫○唐○突○也○。

八 聲

山○水○有○清○音○。靜○婉○者○。自○宜○有○此○妙○悟○。然○而○羅○綺○

之場。陶寫情思。又不欲作深荒緬邈想也。則徵瑟二於樂部。使以鶯笙鴈柱相隨。固當魄動於繁音。亦何妨眉低於淒調也。間有去絲竹而近自然。則又須覓轉喉之車子。得與偕遊。且將代參差以宛轉之歌。易銀甲以紅牙之拍。故方其送曲玉筵。頓履隨疎。低鬟逐上。真足宕晴埃之漠漠。凝風縷以遲遲矣。迺至柔靡之終。揚厲可作曲高而調爽。吹碎橫笛。掃斷哀弦。豈非所以

答空青杏靄之境。而蕭娘倚風。爲之色飛神往也歟。

九 詠

不必人盡令暉。而豈一無道韞。原本極命。或非所辦。迺取春月艷陽之感。以激春遊流麗之思。亦何慮援毫不能成詠乎。有謂大篇致澁。小詞易妍。卽且意寄草堂蘭畹。猶令後之遊者。唱嘆而低回焉。但不可爲愁悵憶夢之句。使踏莎行。

草之娛情有陌上桑間之遺誦耳。又其次者。詩
腸頗艱。書法聊擅。則隨所遊處。題崖刻竹。以紀
時日。疏姓名。而雲情花骨。猶當光瑩於蝸銀蟲
粉之間。

十歸

竄可欣者。遊踪共駐。如燕集青堤。竄可惋者。歸
逕分携。如花飛紅雨。長繩固難繫。日遊絲應不
罣春美人。所以戀戀於妖韶。而悵悵於岐路也。

然而古人興盡之言已爲不韻。今茲樂往之念亦復奚堪。是故銀燭乍殘。照餘情而竟去。金衣未老。送芳約以重來。雖釵冷翹涼。散處各沾烟露。而鈿遺翠墜。尋時再到。薜蘿後期可遵。吾蓋欲裁盛顏榮落之感。而致慰於節逝人離之會者矣。客有更端其說者曰。繁華流蕩。君子弗欽。况可極歡不返耶。與其重逢綺陌。聽鶯語於枝頭。不若一挈青筐。念蠶飢於箔上。則不知懷春。

者能含情于梨花暮雨否

滄漁曰。天下固有遺世獨立之佳人。而不幸爲
隨鴉之鳳。墮溷之花。非風鬟霧鬢。以憔悴終。卽
簪短帶長。以憂傷老。其不得遂隊於芳臯碧渚
者多矣。禽經言。燕以狂眈。鶯以喜轉。余獨悲夫。
攢蛾長嘆者。徒於玳梁睇燕。聆盡春愁之話。而
嚶嚶林樾。有得以絳繚丁東。酬應其間者。亦可
知其非偶爾也。感而題之。

一
戶
黨

卷
三
一

十

何之子序

鬻熊知道。文王諮其餘文遺事。錄
爲鬻子。子所自始。逋至淮南以後。
子書絕響。非無子也。不知道也。道
失而求之。駢藻新響。無當也。何之
子。知道矣。溪峭沉醞。管子也。精微

奇變老子也。抑塞支離。關尹子也。
脩詞瑰異。鵬冠子也。摸擬變撰。子
華子也。宗虛順適。列子也。淵博崇
古。墨子也。鈞籍揣摩。鬼谷子也。喻
引。鈔發。孫子也。沈驚峻刻。商子也。
辯真晰贗。孔叢子也。痛疾名實。公

孫龍子也。吞吐出沒。韓非子也。螳
卷絞紛。淮南子也。抽義宏秘。楊子
也。憤激遐舉。抱朴子也。微言槩論。
文中子也。生死坐忘。天隱子也。恢
譎跌宕。玄真子也。旨遠詞文。譚子
也。洗滌自恣。莊子也。動合機宜。尉

繚子也。大地盡徹。亢倉子也。一子。
能子衆子何之子也。何之子知道。
矣。合子之初。繼子之絕者耶。

仙臞何偉然題

廣快書卷四

西湖何偉然仙臞纂

延陵吳從先寧野定

何之子

刪周元孚本

天○外○覆○地○中○藏○語○大○而○一○天○地○者○恕○地○也○日○洞○
達○月○曲○蔽○語○明○而○齊○日○月○者○護○月○也○水○通○險○山○
居○方○語○用○而○同○山○水○者○党○山○也○玉○完○白○金○易○形○
語○寶○而○等○金○玉○者○譽○金○也○蘭○輕○逸○芝○重○滯○語○香○

而並芝蘭者。諛芝也。兩形並宣。千古入評。泥常襲故。孰衡孰權。誰謂史冊而可盡信哉。

山居上。水居下。山其君子乎。山居爭。水居棄。水其君子乎。山居方。水居曲。山其君子乎。山居固。水居通。水其君子乎。山居易。水居險。山其君子乎。山居常。水居變。水其君子乎。處宜上。不宜下。而上者衆爭。下者人棄。守宜方。不宜曲。而方者固執。曲者流通。行宜易。不宜險。而易者泥常。險

者適變。故參之伍之。其道不窮。君子居焉。
未見而慕。既見而親。去而懷。所藏者厚矣。未見
而先聞。促見而敬。已去而畏。其機弗可測也。遠
而無聞。就見而愛之。去矣。而若無所係。其味淺
矣。千里而名聞。促席而心邳。少語而稍異。積久
而浹。慎母以貌棄也。聞所聞。憾不卽見。見所見。
且悔所聞。我故幸無聞矣。人實幸無所見矣。
子羽持重璧渡河。河伯欲得璧。命二蛟夾船而

奪之。子羽怒。擊殺蛟。竟渡而後投璧于河。河伯
弗敢受。子羽碎璧而去。叔舍旅處。養其嫠。館人
乘其怒。晉也。而請嫠。叔舍弗予。少間。晉歸舍。舍
卽烹嫠而食。館人夫子羽非愛璧也。惡其挾我
也。叔舍非愛嫠也。惡其懼我也。然則君子安可
挾而可懼也。

村家貨帛。帛墮。驚爲希捧。而適通都。啟重裘而
呈珍。通都士人厭棄之矣。都邑小子。獲羽禽。綠

夫 狎

毛朱吻。其老長。謂非雛鳳亦異也。籠以金絡。食以梧桐。鄙陋山叟。閉不使見。山叟詭請焚香而出。禽則翡翠也。山叟笑而退曰。嘻。吁。何辱我跪。我歸以十百遺汝。失重無常。重所罕有。輕無常。輕所狎見。使世無都人。則堊帛埒文錦矣。世無山叟。則翡翠齊鳳凰矣。悲夫。

蚊遇蠅。匪曰蠅大。蠅遇蟥。匪曰蟥大。蟥遇蟬。匪曰蟬大。蟬遇雀。匪曰雀大。雀遇鳩。匪曰鳩大。鳩

遇鴛。匪曰鴛大。鴛遇鴻。匪曰鴻大。鴻遇鵬。匪曰鵬大。鵬遇蚊。匪自曰大。何哉。小不見大。大不矜小。故也。

治世如居室。時草昧。則度址構材。其道爲創。創宜大而固。時承平。則封戶掃砌。其道爲守。守宜謹而靜。時中葉。則完牆補漏。其道爲緝。緝宜密而勤。時末路。則改棟易榱。其道爲更。更宜通而變。

集毫爲穎。字書由之。集絲爲帛。衣服由之。集水
爲池。魚鱉由之。集木爲材。宮室由之。集之功用
大矣哉。是故治世者集人。治心者集義。

昭明梟鳥而似鳳。雛虞仁獸而類虎。貌之難以
知人也。車狸哮咆而衛主。化攫柔語而攫婦。言
之難以知人也。糞蛙負穢而脩清。木蟻飲流而
飽朽。迹之難以知人也。卵可擊不可再。玉可碎
不可污。一事之難以知人也。

真儒殆能徹佛之巔上。佛亦能窺儒之際。認知
識爲佛者。智慧也。佛之中乘也。鹵莽者驟得其
說。更面貌而秘之爲寶。乃徑寸之珠也。遇石崇
當以鐵如意碎之。

鸚難言而解縛。默之所寬也。鶴善鳴而完壽。語
之所延也。鵲避歲而多育。巧之所奪也。鵠重構
而仍巢。拙之所便也。駝徐步而察水。遲之所詳
也。驢疾驅而渡深。速之所超也。豹隱霧而文蔚。

深之所藏也。喙起口而見心。淺之所露也。
鳩積歲易羽化。鵠其陳良乎。雀溺水染污化蚌。
其陳相乎。鵠惜尾。栖標死餓。其石崇乎。鷄斷尾。
毀形免犧。其司馬懿乎。良昌正而變俗。相入邪。
而改常。崇抱貨而速亾。懿僞疾而脫難。甚矣相。
崇之不如鳥也。

經年旱忽雨。幸雨者如越國。而見父兄。月旱且。
雨如孤寥。而遇故人。相得歡甚。若日一雨。則人。

共疾惡之。如寇仇矣。夏日集陽。萬物銷鑠。冬分其餘。曝者熙和。固知仁不可流。義不可勝。仁流則溺。義勝則決。決者賊物。其溺亦然。

列炬燃膏。夜光如晝。何如晝也。干甕抱汲。流水若雨。何如雨也。巧女剪彩。林花若春。何如春也。三軍撾鼓。聲聞若雷。何如雷也。是故任天者便。任人者勞。

魯以重稅廢井田。而適得聖人之權。秦以私意

廢封建而適得聖人之變。漢以姑息廢肉刑而適得聖人之仁。

劍光曜晝投暗失彩。珠光燭夜遇日遁色。螢光照藏外觀弗顯。水光鑑象內照混然。物之有所適蔽也。物靈含光含光而普是爲神光。神光合內外通晝夜而常明。

兩小不能相容。兩上不能相容。兩實不能相容。是故容也者以大容小以下容上以虛容實。

事不如意。安得以意料之。人不循理。安得以理料之。

人有所短。亦有所長。修己者貴補其所短。用人者貴取其所長。

松栢挺立而不樛。藤蘿朋從而好附。則易同者莫如小人。難同者莫如君子。君子難同。小人固皆疾之。小人易同。君子亦常喜之。

蠅鳴戶。蟬鳴林。細人之名不出境也。有以夫。如

鳳凰翔嘯。龍虎哮吟。極若撞黃鍾而震雷霆也。
天下聞之。豈豪傑與。聖人則又異是矣。古之聖
人。無名者。與無可名。而非。常名。故謂之。大名。
登高故能見其遠。容多故能成其大。然則吾爲
太山乎。爲東海乎。太山莫高于天。東海莫深于
地。何可已也。

先其機。則天下莫爭。秘其機。則天下莫測。機由
于我。而若不在我。則天下莫趨。機由于人。而能

默運之。使之在已。則天下莫疑。

持寸斧者。必不伐十丈之木。操百金者。必不駕萬斛之舟。小之無補于大用也。飾金玉者。必不爲戰陳之刃。多彫彩者。必不爲適遠之車。文之無裨于實用也。

亮也。賢胡失之謬。好奇也。夫光也。賢胡失之確。

好同也。夫好奇則誕者間中。其求好同則諂者。

多投其曲。

益莫益于自虛。損莫損于自實。然無定見者。似于自虛。有執持者。似于自實。

樂遜而遺棄者。高流也。蹇途而果藏者。智士也。深潛而睥睨者。曠狹也。窮路而坐困者。齊民也。僞退而鈎進者。淺夫也。孚合而師事者。天相也。抱異而籍試者。世豪也。感激而馳驅者。良弼也。制伏而奔走者。徒奴也。溷養而服役者。獸蓄也。斯數者。出世處世之大較也。若夫出而不出。出

可以處。處而不處。處可以出。無出而無不出。無處而無不處者。聖時也。

素信而卒離者。疑我也。漸離而急合者。嘗我也。天下皆同我。我其奈何。曰。舍其所同。以避之。天下皆異我。我其奈何。曰。取其所異。以招之。招異而無乎不同。舍同而無乎或異。蓋異同同異。同之術也。同同異異。異之根也。

無爲人先。無爲人後。先後之間。可以藏身。無爲

人厚。無爲人薄。厚薄之間。可以處世。無爲人譽。無爲人毀。毀譽之間。可以完名。

治大者宜簡。愈大則愈簡。故簡莫簡于君。而相次焉。治小者宜密。愈小則愈密。故密莫密于令。而守次焉。

錦以寸。吾知其不如丈布也。金以絲。不如鈞鉄也。珠似粟。不如巨石也。璉以碎。不如完缶也。何也。物以能用者貴也。夏以裘。吾知其不如敝葛。

也。陸以舟。不如蹇驢也。薪以棟。不如荆棘也。弓以玉。不如竹角也。何也。物以適用者貴也。

狷夫道雅。介徒指墨。其言正。懼其不通也。已。談宗彫天。慧口風辨。其言大。懼其不經也。已。道流志寓。禪會使意。其言玄。懼其不典也。已。學士遠引。賈儒雜述。其言博。懼其不當也。已。俗子話今。村老數曲。其言切。懼其不文也。已。甚矣哉。言之難也。

上者出世。次住世。次處世。處世之道。任其突。隨其窟。故能和其俗。住世之道。平其突。補其窟。故能守其獨。出世之道。窟其突。突其窟。故能物物而不物于物。

巨貪者。誘而激之。其貪益甚。貪甚而昧死。可以先嘗。喜詐者。詭而激之。其詐益巧。詐巧而行險。可以中疑。持力者。抑而激之。其力益奮。力奮而決往。可以排難。尚氣者。就而激之。其氣益銳。氣

銳而思聘。可以陵暴。富智者。度而激之。其義益
熟。智熟而出奇。可以料遠。好義者。獎而激之。其
義益堅。義堅而傾心。可以權變。惟至人。不可激。
庸人。亦不可激。不可激者。隨所用之。亦不可激。
者。無所用之。

人之心。非我也。安得以人而度之於我。我之心
非人也。安得以我而度之於人。故知我則可以
自度。知人則可以度人。自度而度人。行之終身。

可也

嵐氣不竭以其無也源泉不窮以其有也門樞
不朽以其動也頑石不崩以其靜也谷神不死
以其虛也喬木不折以其實也

士不幸而有才女不幸而有貌貌異便淫才異
便傲

日月啟明明通日月不知雨露廻稿稿生矣雨
露若無海濡渴渴厭溢而海晏然山普用用者

取足足用而山不色。矜夫爲而不有。宰而不持。
亾論天地日月雨露山海亦如之。是謂六大。世
人施顆粟。累寸土。回步而施。施何小也。故仲尼
聖同于兩宗。子淵賢比于六大。

累石爲山。峻岫突兀。鑿池引水。曲折紆迴。奇矣
哉。遇真山真水而失其趣矣。古洞幽崖。禽木環
笑。溫流清沫。漱石鳴風。奇矣哉。遇華岱洞庭而
失其觀矣。吾于是知文章貴于自然。又貴于大。

也。

急名者思以得名。始也必勉露其長。幸名者思以完名。終也必曲護其短。

欲人同己。異之際也。欲人信己。疑之根也。欲人尊己。卑之漸也。欲人服己。陵之階也。矧己異人而緣異求同。己疑人而隱疑示信。己卑人而因卑挾尊。己陵人而用陵強服。惑殆甚矣。

管仲才敏而功集。晏嬰見遠而識超。管晏未可

羞也。而孟軻氏羞焉。惟軻固可羞也。然亦此軻之所以不及仲尼也。後之人標說而輒羞管晏。吾竊爲管晏羞之。

琴音平。聽者不煩。故君子之交。欲其平也。谷味淡。食者不厭。故君子之交。欲其淡也。寒暑漸受者。不病。故君子之交。欲其漸也。狐審地而窟。鸛審木而巢。故君子之交。又欲其審也。如弗審則平也。淡也。漸也。俱爲謫交矣。

無食飢死。無衣寒死。死所不足。善汨溺死。善騎
墜死。死所有餘。

括八城。共三百萬里。有奇。而東震不過萬八千
里。計元會共一十二萬年。有奇。而漚生不過百
年。耳目所覩。記者幾何。而又何笑乎。蠻畜蜉蝣
哉。

爭名者。以爭得名。飾名者。以飾得名。讓名者。以
讓得名。毀名者。以毀得名。爭名之名。小讓名之

名○大○飾○名○之○名○遲○毀○名○之○名○速○大○小○遲○速○爲○術
不○同○好○名○之○心○一○也○

侈○盈○傲○分○不○如○操○約○負○重○疲○力○不○如○舉○輕○綜○繁
馳○神○不○如○理○要○索○奇○駭○俗○不○如○安○常○違○素○移○數○
不○如○守○一○標○利○見○穎○不○如○含○光○約○則○要○要○約○則
一○一○則○輕○一○輕○乃○常○常○乃○光○

持○賤○器○者○懼○其○忽○忽○則○遺○亾○捧○重○寶○者○懼○其○慎○
過○慎○則○墜○棄○是○故○輕○生○者○死○重○生○者○亦○死○聖○人

重以持輕。輕以捧重。輕重均。則忘。忘則無有。無有則能常有。

師道難矣哉。猶醫然。通五運。察六脈。諳百草。而後能視疾。泥執古方者。利害半之。舉已所服。食而投之。人人百不一應。如謾無所深入。勦浪說。而稱岐黃。人惑誤。寄死生。無益又害之矣。

蟬語噪。蚩語聒。犬掉尾。鵲鳴步搖。君子觀此。而可以謹言慎動。

何之

卷四

一





